

道光
晉江縣志

第卅一冊

卷之卅七至

卷之四十二

晉江縣志卷之三十七

人物志 名臣之一

士之足重當時而傳後世者處則聖道干城出則蒼
生霖雨實有不朽於天地之間一方秀傑皆間氣所
鍾焉以故忠孝林立文武兼資政績媲美乎循良文
章力追夫正始豈不盛歟而潔清篤厚之化率多積
行愛名享遐齡而膺榮寵即至山林隱遯抱璞自芳
君子至斯亦從而物色之若乃閨中女士義無攸遂
而遭變守貞若出于烈丈夫所為者是皆教化漸進

之端而此都典型之所暨及也山川靈秀今古如一
人材蔚生為我國家楨幹知必有在矣

唐

歐陽詹

李翱

宋

曾會

陳從易

曾公亮

蘇頌

曾孝寬

柯述

曾孝蘊

韓謹

曾懷

傅自得

張讀

陳知柔

曾恬

梁克家

留正

傅伯成

黃宙

石起宗

莊夏

高禾

李說

蔡和

楊履正
楊至

楊炳

陳謨

曾從龍

蘇思恭

黃必昌

洪天錫

徐明叔

呂中

唐

歐陽詹字行周潘湖人父溫州長史兄安國丞鞏潮州

司庫詹幼即穎悟喜吟嘯操筆屬文率人所未到常袞

觀察閩中奇之特加推拔貞元八年陸贄知貢舉詹登

第二與韓愈李觀李絳崔羣王涯馮宿庾承宣皆入選

人號龍虎榜詹授四門助教時韓愈為徐州從事詹將

伏閔舉愈為博士又昌言何蕃為仁勇論者謂唐助款
善舉其職者無踰於詹之卒年四十餘平生孝行信
義其卒也崔羣哭之甚哀韓愈為哀詞李翱為傳有文
集十卷刻在郡齋李貽孫序之初徐晦舉進士不中詹
數榜之明年高第仕為福建觀察使語及詹必流涕子
積居南安從子柎有文名開成三年進士

李稠開成三年進士為御史以直忤時相李德裕貶汀州
司戶後歷官工部尚書鹿坊靈武易定三鎮節度使

宋

曾會字宗元端拱二年進士第二人廷試日未是卷上奏
御時蜀人陳克叟亦有俊譽上覽二人文藻敏給相伴
釋褐並授光祿寺丞直史館以親老願補郡遷殿中丞
知宣州祥符末由三司判官出為兩浙轉運使丁謂建
錢塘捍江之役以發運使領其事要當涖之發卒萬餘
斬木伐石傾蕩山谷中外無敢言會已解曹職奏罷其
事歷真宗仁宗世凡四十五年典七郡遷刑部郎中集
賢殿修撰知易州卒贈楚國公子公度公亮

陳從易字簡夫端拱二年進士為嵐州團練推官調彭州

王均盜據成都連陷綿漢諸郡彭人謀應之從者擒斬
首謀飭嚴守城賊聞有備去召為著作郎遷太常博士
出知邵武事改監察御史召對便殿命賦瑞雪援筆立
就真宗嘉獎改直史館知虔州歷湖南轉運使徙知荆
南擢太常少卿直昭文館知廣州遠俗安靖重書褒美
加三品服自廣州北還不蓄南物仁宗聞飛白清字賜
之擢左司郎中兼史館遷左諫議大夫進龍圖閣學士
知杭州卒從易為人激直少容初以忤宰相寇準除吉
州及寇準貶道州丁謂曰廬陵之事可釋憾矣對曰當

以款相禮待之謂有愧色其志行多類此元 中帝問
蘇頌卿母誰氏頌以從易女對帝曰天聖間學士耶清
節過馬援矣著有東山集中書制稿西清奏議

曾公亮字明仲天聖二年進士知會稽縣民田每患湖溢
立隄泄水入曹娥江田以獲利入知制誥兼史館修撰
為翰林判 班院擬前後章程視以 事吏無所容奸
以端明殿學士知鄭州境內無盜復入為翰林學士權
給事中參知政事除樞密使嘉祐八年拜吏部侍郎同
中書門下平章事集賢殿大學士首相韓琦每咨訪焉

仁宗與琦末年共定建儲之議英宗即位加中書侍郎
兼禮部尚書尋知戶部尚書神宗即位加門下侍郎兼
吏部尚書熙寧二年進昭文館大學士累封魯國公以
老避位三年九月拜司空兼侍中河陽節度使集禧觀
使明年起判永興軍時陝西警備舉措張皇公亮以靜
鎮之雖聞飛語從容自在卒無他變居一歲旋京以太
保致仕元豐元年卒年八十帝臨哭輟朝三日贈太師
中書令謚宣靖配享英宗廟及葬御篆碑首曰兩朝顧
命定策亞勳子孝寬孝純元孫恬造懷從子孝是孝蘊

晉江縣志

孝序從孫誕註四世孫從龍用虎治鳳

蘇頌字子容紳子緘姪自同安徙居縣治慶厯二年第二
進士知江甯建業定戶籍丁產民皆悅服諸令視以為
法調南京留守歐陽修委以政曰子容處事精審一經
閱覽吾可無省矣皇祐五年召試館閣校勘同知太常
禮院議郭皇后宜祔于后廟曾公亮深嘆服之遷集賢
校理富弼與韓琦為相同表其廉退歷擢知制誥判審
刑院進銀台司知審刑院以不阿王安石意出知婺州
沂桐廬江水暴迅母在舟中幾溺頌哀籲天舟忽自正

母甫及岸舟覆矣人謂純孝所感徒亳州加集賢學士
知應天府呂惠卿嘗語人曰子容吾鄉先進苟一詣我
執政可得也頌聞徽哂而已修仁宗英宗兩朝正史轉
右諫議大夫元豐初權知開封府未幾知河陽改知滄
州召判尚書吏部兼詳定官制元祐初遷至吏部尚書
兼侍讀又遷翰林學士承旨五年擢尚書左丞七年拜
右僕射兼中書門下侍郎紹聖四年拜太子少師致仕
徽宗立進太子太保累爵郡公卒年八十 詔輟朝二
日贈司空理宗朝賜諡正簡頌貫穿經史諸子百家律

呂星算無所不通又工筆札朝廷制作必取正焉蘇轍嘗謂曰子容博會強識其講說放失舊聞多得詳實嘗議學校及貢舉皆先行實後文藝論者遵之

曾孝寬字孟綽公亮子以蔭知桐城縣遷咸平縣除秘閣修撰提點開封府界鎮保甲法行民相驚言且籍為兵知府韓維上言乞候農隙行之孝寬揭賞捕煽惑者民兵不敢詐維言不行入判刑部熙寧五年擢拜樞密院其後以端明殿學士知河陽徙鄆鄆有孟子廟孝寬請於朝封鄆國公配享孔子連徙鎮以吏部尚書呂道卒

贈光祿大夫寬執政時公亮尚無恙西府迎養時人榮
之

柯述字仲常父慶文第進士述與述弟迪嘗袖文見蔡寬稟
異之未幾相繼登第述皇祐中嘗為泉州教授嘉祐
四年成道士初尉贛縣陞知歸安縣修水田蓄洩之利
移知襄邑盜悉奔他境神宗聞之召對便殿書其姓字
於屏擢知懷州元祐元符兩知福州州學久為試院釋
奠亦需他移述擇地為院構室百二十區士人使之厯
福建提刑湖南轉運使奉祠終朝議大夫直龍圖閣學

士述貫通百家詩史尤精于易著否泰十八卦以明進退君子小人之義初倅漳日賑飢有惠政感瑞鵲巢于廳事蘇東坡作詩以紀晚徇邦人之志遷州庠于舊址士類德之祠于學宮子賜福建漕使

曾孝蘊字處善公亮從子紹聖中管幹發運司雜糶事建言揚之永州潤之京口常之犇牛易樞為棟既成公私便之歷遷起居舍人京邑有盜奏言緝盜之法急則遠遁少緩自出從之果得盜崇寧中以集賢殿修撰出知襄州徙江浙荆淮發運汝州議開直河考蘊曰淮汴相

相接徒費力耳既而工役集成敎功第賞辭不受未幾
河果復塞召為戶部員外郎徙二部以顯謨閣侍制知
杭州宣和二年以天章閣侍制知歙州進顯謨閣直學
士加龍圖閣學士卒贈通議大夫

韓謹字去華通志作韓惇崇寧二年進士調南海尉以捕
盜功改宣議除處州教授著詩書禮義解上之辟雍召
為國子博士改除廣南東路提學事自巡尉未再期擁
節使一方前未有也罷歸以所著儀禮數篇見雷路時
朝廷大開制禮即日除編類御筆所編類官兼禮制檢

平江縣志 卷之八
討官一日抗章謝事同僚奏留詔還舊職未就卒

曾棟字欽道孝寬曾孫宣和初以父任為金壇簿南渡後
知江州改知真州訓習民兵有紀律張魏公浚督師大
奇之除度支員外郎以豐裕聞乾道初擢戶部侍郎奏
言以天下財足天下用孝宗悅晉權尚書除龍圖閣未
幾賜同進士出身參知政事代梁克家為相封魯國公
淳熙元年除觀文殿大學士復拜右丞相兼樞密使台
官詹元宗李裳因書事中懷懷遂求退以觀文殿大學
士奉祠未幾復相以疾罷卒年六十五贈少保著有文